



昌黎有云物不得其平則鳴風籟水波候蟲時鳴
天地之間凡有聲者皆是而人之於言亦然尤擇
其善鳴者而假之鳴自明季迄今以詩鳴者其初
入於歷下公安竟陵之雲霧而正聲微近又以塵
俗里鄙淺滑無稽爲香山着山誠齋放翁而雅道
替若玉禾田生其善鳴者乎雕鏤景物陶冶性靈
時寄其幼眇之思而絕去感激怨對無聊不平之
語何其雅以正也歐陽子謂詩殆窮而後工今生
之詩其以窮而工耶抑工而遂至於窮者耶余謂
人苦不能工耳北門南山反情易慮何嘗不足以

一唱而三歎也生勉乎哉以生之才得如東野奏
名春官承明著作之廷舍生安屬抒下情而宣上
德斐然有作興感不同音節亦異要其工豈有二
哉余既賞生風簷一日之長而又序生之詩固願
生之和平其聲以鳴國家之盛也提督兩江學政
右春坊右中允兼翰林院編修海寧楊中訥序

漁人之入武陵源也丹嶂翠巘懸厓高瀑村落瀟
爽草木香茂居人淳古雞犬皆僊應接不暇耳目
眩駭步步入勝久而安之便覺應爾迨辭此中人
出惟見流水莖花千峰萬壑徒增悵望自嫌骸體
忽爾頑重麤濁而已讀梅嶼詩乍一開卷恍有胡
麻飯屑引人鼓枻而前精神踊躍及一掩卷則惘
然如失梅嶼身有僊骨句耐人咀味茲刻特百中
之一耳生平不喜作橐落筆有兔起鶻落少縱則
逝之勢然亦不自寶愛書畢輒棄畱几案僧舍旅
店船艙或友人書齋中狼藉者多矣余每以是責

梅嶼兩大以此相付原藉以發洩其靈氣顧浪擲
之得毋褻乎予初與梅嶼不相識於張樸園夫子
采芳集中讀擬表一道便深歎慕恨不得見康熙
乙酉歲孟夏同應

天子詔至秦淮始訂交時郡伯陳滄洲夫子集應試
名下士五百餘人校以各體詩梅嶼出素綾冊頁
作大小楷及行草書此數百人皆閣筆環視相睥
眄以爲神異或有代爲磨墨者則心折無以加矣
滄洲夫子果以第一人目之迎

天子駕于麒麟門獻樂府三十首迴文七言律詩二

首賦一首

至尊爲止輦詢鄉里名姓而畱其冊當時官長紳士
耆幼下及厮卒與茜裘黛眉之輩莫不指而目之
梅嶼其榮甚矣因滄洲夫子卽謝郡事遂不獲薦
嗣是又兩躋棘闈余復兩晤梅嶼或歌或涕惟我
兩人互相慰藉今年秋得梅嶼寄書謂檢破篋得
僅存詩若干首予向以棄擲見誚讓今則將費梨
棗可爲我序余讀其作或藻麗芊綿或幽曠閒逸
或慷慨雄渾如天孫濯錦雲霞初張如澹花瘦石
清月搖映如玉門歸將撫創論兵如源湧星宿漲

添九曲遠山送顰近山含笑山平川開林麓斷絕
奇峰插天巖岫蒼莽予展卷而不知身之入武陵
也掩卷而不知身之出武陵也但覺予忽爾仙都
忽爾濁界予於梅嶼終瞠乎後也予安能爲梅嶼
詩作序哉太湖同學弟魯一貞

梅嶼天資爽逸仙才颯發嗜古力學家貧不可支
日則酬應逋負辦結薪米晚入侍慈闈曲承色笑
夜分始張鐙書室問日間人所囑筆墨事或筭或
聯賀唁文及碑銘等作一一了結封識付童子始
任意讀書每謂予曰偶一展卷如穿窬入金谷寶
玩燦列眩奪目晴時旣無多力復有限不知當取
何物而雞聲已動矣傷哉此言予才與學兩不逮
梅嶼而境則同也憶梅嶼弱冠時以校詩賦見賞
于許時庵夫子厥後遂爲同社友俱少年罕所累
晤時非有裨益于學問則絕不齒及夏子桐莊許

子柳亭徐子越江許子雙谿王子兩溟蕭子立亭
程子卬浦共九人佳晨夕必聚佳山水必探分題
闡韻率以爲常今則越江兩溟柳亭墓俱宿草柳
莊雙谿行登仕版唯予與卬浦立亭梅嶼窮益甚
茲刺玉禾山人集窺斑管中終非全豹以予所見
警句如題浮濃嶺云雲護半山月風銷一夜霜滁
州道中云亂水爭危壑一蟬響衆山題孟廟云孔
門功冠三千士周室生虛五百年邨居雜咏云詩
成驢背半肩雨酒醒山腰三面風雞母負雛啄螳
陣狸奴戲草撲蠶衙湖上吟云野樹模糊隨斥遠

晚雲重疊較山多咏曉鐘云雨雲覓夢初驚後名
利心思未動前林外冷穿霜月地枕邊響斷曉風
天咏晚鐘云一山暝色僧行脚千樹莢花寺閉門
摹神繪影清美新異苦鍊窮雕悉由天拔乃爲集
中所不載知遺者多矣夫席門陋巷歌聲金石自
足稱風流人豪設非生計窮窘俾得恣意寢食於
古人其學力所至當愈不可測哉梅嶼尚其勉之
同學弟東閭倪岱

王禾山人集目錄

卷一

趙樹邨莊錄 詩四十八首

卷二

龍舒集 詩二十四首

卷三

秦淮集 詩七十三首

卷四

黃蘗齋稿 詩三十二首

卷五

鴻影草 詩十七首

卷六

霞鷺吟 詩五十四首

卷七

金臺遊草 詩十五首

卷八

梅嶼詩鈔 詩八十八首

卷九

綠楊亭詞 五十八首

綠楊亭詞續集 三十二首

卷十

賦 三首

丁禾山人詩集卷一

趙樹邨莊錄

村居謾興

秧綠齊時選日栽。老翁簷外立相催。恰看婦子田間去。一片濃雲挾雨來。

村男手足盡塗泥。村婦筠籃饁舍西。更沒閒人家裏住。桑陰深處午雞啼。

雨後天青晚照斜。山光五色爛於霞。牧童猶未除蓑笠。牽得烏犍出棟花。



合肥田實發梅嶼撰



雞犬雖多盡不喧。陰陰門巷熟梅天。築隄界破沙塘水。半養魚苗半種蓮。

漫興

少年得意是耽幽。藏拙何須待白頭。紅雪滿山花入夏。黃雲捲地麥先秋。偶隨燕子來前浦。旋買魚苗上小舟。邂逅隣翁供濁酒。映邨明月夜相留。舊詩改就兩三章。舉動隨心了不忙。竹徑土鬆纔迸笋。稻圩水滿未分秧。僧來可意茶能澹。鳥轉多情花自香。一榻斜添蘄簟滑。會看占取黑甜鄉。車馬何曾破綠苔。荷鉏行處竹籬開。忍冬藤密花

堪采。半夏苗長藥可培。遶屋鳥因爭樹鬧。隔谿僧爲借棋來。此中消息人知否。巖穴深栖稱不才。

小隱

謾言潁水與桐江。只此幽蹤未易降。午夢欲來因送客。南風初到恰開窗。湖心日過帆千幅。山脚時飛鷺一雙。小隱吾廬原自愛。若詢民俗更敦龐。

贈曉雲上人

葛衫瀟灑嬾披緇。三十年來老衲師。癡念難消因琢句。貪心未斷是圍棋。每當狂喜全無賴。說與閒愁總不知。久欲名山尋伴去。雲蹤爲我暫相羈。

圍棋

從來勝算在先圖。慎莫輕分黑白途。下指不逢敵國手。滿盤贏却也成輸。

送曉雲之浮山

曉風吹雲自舒卷。天北天南無近遠。只我能留芳樹間。石上楸枰爲君展。忽然告我不可留。颺颺欲作浮山遊。浮山山上最佳處。粘我詩篇在上頭。

秋日同曉雲過訪寶山上人蘭若

牆均菡豆發寒花。水際人煙三四家。乍滌稻場秋寂莫。爭歸鳥陣晚喧譁。釣船得句推篷詠。僧舍贏

棋攘臂誇世上許多憂樂事。等閒籌畫謬相賒。

邨居

面水西南任一邨。秋深落日對柴門。隣翁入郭官編戶。隔渡呼人客販犍。布已滿機棉委地。糟初出榨酒盈尊。款關報道先生訪。又辦冬烘教子孫。

郊廬雪夜有懷先大人痛成絕句十首

幽廬無往亦無來。窗淺簷低總雪堆。化了紙錢癡立處。含悽添插幕前梅。

未歇炊煙蚤閉門。漫天雪霰覆孤邨。煨殘楮拙渾無賴。上得紅燈旋又昏。

柴扉雪後接春光。每喚相隨共遠望。孤影背人還
不。西山正好哭殘陽。

年年寒景逼江村。但奉慈顏春已溫。自煮六花成
苦茗。分斟羹盞賜兒孫。

剜膚和藥疾曾瘳。尚感期頤養未酬。今日追隨王
父母。不將風木怨松楸。

先王母疾大人糜股肉進疾遂愈後王父母歿大
人每語兒輩設汝祖父母在今壽當幾何矣既
而淚下曰雖壽幾何方之上壽者尚可奉也獨我命不
辰耳當佳晨夕兒輩侍側必為此言迄今猶恍乎在耳焉

女孫病後乍堪携。驚見飛花強咲嘻。驀記年時娛
膝下。百般憐惜慮風吹。

一般色笑夢中看。開眼方知見面難。悔煞飢驅常

遠出。朝昏菽水少承歡。

笑言每向夜分休。往事真如逝水流。記得課書多

勸勉。弟兄列坐膝橫頭。

貧歸長是雪霏霏。歲歲紅爐許共圍。今夜朔風丘

墓冷。還垂清泪繞靈衣。

十年閱盡世途艱。總竊虛名是枉然。幸有慈闈堪

祇奉。麻衣爭似綵衣鮮。

雪後江行竹枝

千里濤聲日夜流。梁山兩點素蛾愁。太平時節無
烽燧。空設沿江望敵樓。

層層銀浪接天涯。船往船來無定期。沙觜纔過風已換。落篷剛是打篷時。

凝江寒玉望中遙。流作冰澌半未消。一抹明霞紅日下。連山天際白峯巒。

舫樓回首暮雲深。雪後雖晴更似陰。滿眼西風無過雁。三山橫截大江心。

一派晴江萬櫓聲。早潮纔落晚潮生。六代煙鬟何處認。昏鴉飛過石頭城。

記丙子深秋觴梅嶼於莫愁湖畔。畫舫煙波依稀如昨。荏苒數年來不復相見。近甫握手。

即讀新詩孤舟歲晚獨往來于晴江殘雪間以英年藻采之筆發竹枝清脆之音抱膝長吟慨當以慷想其胸次當復何如也。繡水王旣跋。

春日訪曉雲蘭若

春水綠周遭。春畦僧自薈。雲孤偏作雨。松小亦成濤。但可烹楛茗。何從命濁醪。靜中思往事。相對感潘毛。

山居

疑與塵寰兩不通。卜居深在好山叢。東風吹散春雲綠。現出桃花萬樹紅。屐痕一半是苔封。睡起花陰聽午鐘。不過谿塘知幾日。偶來因種木夫容。

睡魔詩思兩難降。推枕微吟月在窗。了角小童邀夜飲。西鄰白酒乍開缸。

琢句推敲每自怡。疎慵貫日未成詩。朝來花下饒
狂興。連勝山僧數局棋。
絲絲垂柳晚風疎。獨上橫橋襟乍攄。雨後春雲堆
亂髮。青天如鏡月如梳。
起來新暎着春衣。匝匝山花映曉暉。教得稚童烹
蕨笋。旋呼健僕架薔薇。

與許雙溪表兄言懷

漁樵生計也全疎。但遠囂塵學隱居。鳥立樹梢徐
墜果。風來簾罅自翻書。息機不逐無虞鹿。投嬾真
同脫輻輳。長惜古人不耐冷。却教揚意薦相如。

幼女

廿載趨庭樂最深。三年魂夢杳難尋。憐渠弱小身
依膝。觸我辛酸淚滿襟。不比生男堪識字。漸知隨
母學拈鍼。自看亦具將雛愛。傷盡臯魚一寸心。

書懷奉寄柳亭舅氏

三首失稿

貧境偏饒百事寬。讀書牕下又春殘。輸完舊稅去
邑吏。典盡綿衣無曉寒。為愛橄欖回味好。不辭甘
蔗倒餐難。輞川清興應佳甚。香墨淋漓上井闌。

陰雨戲書

連日南風帆滿湖。釀成甘澍稻秧蘇。雨絲高綴欹

蛛網雷水微凹聚鴨雛。屢乞長腰隣欲怨。未經枵
腹婢先呼。朝來偏有吟詩興。載道泥淤免索逋。

哭婦

嗚咽相呼坐榻前。語言無力倍堪憐。欲辭難下高
堂拜。不及承歡到百年。
中饋應知夙所長。咄嗟真足辦壺觴。如今縞素來
嘉客。却向慈幃問酒漿。
繡佛長齋女住持。空箱典盡嫁時衣。但將補綴餘
裘襖。分與家人淚暗揮。
是處都教藥餌隨。三秋病骨強撐支。最傷揮手長

辭夜。嬰女雛男總不知。

十年曾共飽黃蘗。對泣牛衣淒復淒。慘絕秋風偏
鍛翮。閨中不見杜羔妻。

並翼呢喃春晝長。將泥得草費商量。而今結得巢
成後。飛去飛來獨繞梁。

頃刻羅幃與總幃。丁寧一語願休違。秋江蘆荻花
多少。莫作傷心兒女衣。

鑑奩脂盒任西東。針線誰陪誦讀功。憶煞于歸明
月夜。一帆銀浪滿湖風。

淚

一端錦綺織鴛儔。割破揀他不到頭。夢好似雲容
易散。淚多如雨不能收。

玉禾山人集卷一終

玉禾山人詩集卷二

合肥田實發梅嶼撰

龍舒集

龍舒道中紀行一百韻

駛馬畏顛蹶。飛帆思傾覆。兩人昇一輿。鞭驢隨癡
僕。行李輕。脩然動步頗亦速。綿延跬長坂。盤旋超
山麓。漸入林樹中。幽卉踐豐縟。樹高百餘尺。數圍
量不足。古藤化蛟螭。周遭互纏縛。日光漏葉罅。細
若出篩目。野蝶爭黃白。山椒半紅綠。別有碎瑣花。
無名香可掬。或長如絲繩。或小如米粟。斑斑吐寒

豔苞翠團於菊。作果纍纍懸珍珠。紛攢簇淺絳。與
深碧錯雜鮮重複。中間僅容騎。修途仍屈曲。賞之
愁易罄。豁開見平陸。高低等牆垣。密比森筠竹。炊
煙散竹梢。輕淡蒙羅縠。不因午雞鳴。焉知中有屋。
未許見牛羊。矧可覩眷屬。桑麻在何所。亦不聞杼
柚。逆料倉困盈。罷亞與重稊。既堪忘得喪。誰當加
榮辱。嬾子羣熙熙。終年寡刺促。茲必隱者廬。欣然
羨芳躅。信美不可畱。檐帷挂撲檄。亂山迎人來。夕
嵐面欲撲。僧去野橋空。閒雲起深谷。秋水沉方潭。
溇溇凍寒玉。鷺鷥翻爛銀。下淥雙鸚鵡。斜陽落高

春。餘輝映喬木。山凹嵌紺宇。鐘魚響斷續。投止少
客肆。行行就棲宿。入門不暇揖。空王坐梵竺。皎月
檐際生。顧兔肥在腹。團光生五采。軋軋扶輪軸。高
唵謝莊賦。胸臆感盈縮。中秋夜氣涼。鴻飛羽肅肅。
露重天宇濕。星疎彌燼煜。殘螢霑人衣。娟娟映明
蠟。嗟此金風來。鬢髮吹欲禿。坐起不成瞑。裊裊仍
彳亍。愛鮮冠盜警。更無豺虎毒。隱几試假寐。牕明
射朝旭。雛僧驚蚤起。瓦盆勸漱沫。整衣禮跏趺。須
臾伴饘粥。輿人催出門。巖路互回伏。返望棲止處。
孤峯天際矗。圓石如鵝卵。細砌魚鱗蹙。東西散邨

落。爽源罕通俗。谿女始開門。稚子纔出牧。牧場頗
寬衍。黑牯兼黃犢。年歲方豐穰。禾黍已成熟。刈獲
良有餘。乘稷遺嘉穀。爰采岡上草。春糶自爲麴。想
彼藥就時。便可釀新秫。白酒燕親賓。夸言勝醞醪。
臯陣各編闌。因知善養畜。兒童解詩書。高聲鬧村
塾。家給禮自周。任卹與媻睦。少年無浮薄。長老歸
敦篤。因見古人風。井里皆淳朴。粵稽戰爭地。江黃
及舒六。偏饒篠簜材。漣漪寫淇澳。王姥招不來。仙
山徒盤鬱。無雨鳴怒雷。峭厓墜奔瀑。萬鬣排松杉。
清風吹謾謾。故壘周郎蹤。餘腥在殘鏃。蘚碣臥斷

莽。標題吳都督。差勝西陵壘。漳

築。墜瓦裂

鴛鴦。荒基走麋鹿。攬衣升高丘。遐睇更卑矚。古今
自曠廓。俛仰空蹉跎。富貴若朝露。勩業亦敗局。悲
酸目中來。萬感動相觸。馮驩嗟扣鐔。漸離愁擊筑。
三閭楚鬼沉。五羊秦媵鬻。誰迺鉗于市。誰迺泣于
獄。在水必方流。在世必韞匱。但爲才技驅。因人故
碌碌。聖言惜分陰。奚翅提耳囑。誦法貴及早。努力
用自勗。莫矜年歲芳。流光如轉燭。分明繫徽纆。叢
棘任拘束。胡爲甘針氈。迺反棄茵褥。譬如性爽塏。
終日坐卑溲。舉眼憂網羅。捫胸母鴻鵠。龍飛橫天

衢所誤嗜燕印高蹈哉哲人妙道在無欲携籃摘
紫芝荷鋤掘白茯苓非敢企仙才紅蠶集玄籙出樵
古栢枝編籬種菜蕨果腹愛薑茶禦冬藏旨蓄暇
日弄磁基乘時修碌礪圖繪七月篇剥棗烹葵菽
饗殮本無虞篝車不須祝垂翅羞鷓鴣為巢拙鵠
鷓過涉戒滅頂停輿快脫輻寧待白頭時雖悔莫
能贖願言托澗槩永矢以弗告

周瑜城

將軍銜美鎖僧寮寂寞江東王氣銷秋水沉醪寒
藻靜斜陽燒壁晚山焦金陵無補東西漢銅爵難

藏大小喬一輩英雄各陵墓長松篩月影蕭蕭

冬日途中和王兩溟

凹凸城邊路紆回之字形鷺迷連浦印松占一山
青策衛多欹仄哦詩半睡醒欲知何處宿孤店火
熒熒

兩溟行笈檢示詠物諸作屬和三首

埃

征眸元有淚對此益茫茫但識路遠近不知愁短
長碧煙春後草紅樹驛邊霜來往相逢者風塵各
斷腸

箠

驟向市橋買。藤梢製最新。長隨金勒畔。多與錦囊親。袖出章臺路。携歸上苑春。驕驄莫輕策。伯樂易相嗔。

旅榻

何處同心鼻。流蘇未易張。添寒與衾枕。引夢到江鄉。壁倚鐙三足。繩穿蟹一筐。月光移瓦縫。疑是夜來霜。

春日舒城郊外雜紀

密樹橋南春澗西。數家平住草

日更無人

出入濃雲遮屋乳鴉啼。

燒罷新畬土色宜。放來尺水也漪漪。倩人裝得春犁好。正是農家下種時。

芳郊春盡水如煙。傍午雞鳴桑樹巔。翠竹編籬擔稻種。菜花南轉是秧田。

柳葉飛英晚自香。春殘猶覺袖風涼。鵝兒出殼能浮水。掠破青萍似覘黃。

犬入花叢不吠人。鶯眠葉底嬾啼春。看他陌上提筐女。只恐而今尚姓秦。

水塘西角亂蛙鳴。滿耳喧囂聽自清。忽地雨聲三

兩點春雲縫裏月弓明
淺澹春山入望微孤煙落日兩依依烏犍黃犢無
人牧自倚桃花隄畔歸
柳邊久立綿霑袖花下微哦蝶上巾最是一年情
興好真堪喚作賞春人

禽言四章

摘桑摘果他人果摘未可春淺夏淺不留一繭五
月鳴機不餘寸絲良人不歸爨無火爨無火摘桑
摘果

提壺提壺且提壺弟嗑嗑師百壺壺欲枯提再酤

盃在手壺在途口流涎衣淋漓扶不起擦如泥六
十日昏不知提壺提壺胡盧提
姑惡姑不惡妾命薄妾如絲姑不絡妾工縑姑不
着姑之子爲妾夫水湯湯逝何辜姑乎姑乎誰與
視姑
行不得哥哥昨日雉罹于羅苦竹深猿夜多息其
羽山之阿朝陽鳳鳴欲往從之奈阻長何未行焉
知行不得行矣不行何可得

感舊

十二年間春夢迷不堪重睹綠煙絲斜陽斷送黃

昏雨淚眼愁眉十萬枝
呢喃燕子畫堂深
一片悲酸戀故心
來與主人珍
重別不知清泪溼紅襟

題蠶蝶爭落花圖

一陣紅香墜素紉
雄黃雌粉鬧春殘
等閒又逐東風散
從此春光不易看

謔妓

怨粉愁朱病裏身
誤因宋玉賃東鄰
笑啼境到渾難主
新舊官來容易嗔
嫩柳莫欺三月雨
嬌花好護一欄春
少年不是多情者
為惜多情兩黛顰

為某妓題扇

扇月團團障素羅
曲房深處憶笙歌
一般花下逢嬌面
只是而今悵惘多
十年力倦柳花輕
便不霑泥也不驚
偶向風前開一笑
莫將狂態認多情

玉禾山人集卷二終

玉禾山人詩集卷三

合肥田實發梅嶼撰

秦淮集

康熙四十四年四月二十四日應

制恭和

御製回舟至常州府甘霖大霈元韻七言律詩
一首

麥浪秧針萬井田太平

天子省方年澤隨

帝履陰陽泰雲繞

龍飛九五乾練浦曉奩開綠靚畫溪新幃繪潺湲
聖朝無逸

懷柔廣効順羣靈呵護虔

海隅清晏樂桑田豈獨江南大有年萬國風
同惟用巽

一人首出自承乾遙知八表霑洪澍近看千膳饗

翠湲

辰極盡酬箕畢願天垣環拱合加虔

恭

進

聖主春巡樂府三十首

洋洋

聖化洽垂裳萬玉彤墀拜

紫皇五十季來

宵旰意泰階平處頌無疆

猶

勤時邁念民依帳殿帷宮決

萬幾黃道日行當正午三春草木盡生輝

太和景物最芳菲繡鞞珠珂度翠微宮扇開
時分日月杏花煙裏柘黃衣

歡呼父老望

青旂歲歲兒孫耕

帝畿萬井扶犁春雨足紅桃花下綠蓑衣

沃野春阡似畫連桑椹桑葉逗鮮妍綠雲堆
裏藏紅雪正是江南蠶熟天

緣山錦纜轉陂陁穀雨初晴節氣和翠巘丹
厓皆化日採茶唱出太平歌

橫飛地軸指黃河沉玉塞菱汜濫多今日澄
清流萬里直通銀漢是

恩波

紅雨香風吹滿隄

御河千里縠紋齊青畦紫陌無驚擾

天廐長閒八駿蹄

百丈罽罍金綫交蛟螭窟底慶新拋不教寶
氣畱滄海網得珊瑚七尺高

金山埒勢俯江東海日生時江半紅喜自
宸遊飛麗藻鸞翔鳳翥卿雲中

金翅扇開雙鳳舞金根車動六龍飛南天
日近瞻黃道南極星高映

紫微

綵霞綺旭擁霓旌匝地歡呼萬歲聲正是
君王天壽節紫桐花下鳳匏鳴

葵藿都堪供

御厨同時忭舞在康衢呼嵩野老多淳朴繪出
函風獻壽圖

千仞吳峰俯翠巒金波飛上綵雲端神州赤
縣無窮極都向山河影裏看

蠲稅何殊戶賜金閭閻餘力戴

恩深常懷寸草酬春意盡有黃葵向日心

帆輕風正指江臯日麗南天

振綵毫何事玉簫共金管不煩桂檝與蘭橈

睿製輝煌植大觀紅雲紫霧繞漫漫臣民屏息欣

瞻拜不敢擡頭仔細看

宸翰章天綵鳳騫臨摹百爾媿鸞鶴秋蛇春蚓皆
庸下也獻微長奉

至尊

響動連階門巷幽邨邨綠樹聽鳴鳩黃雲翠
浪瀾漫處

天爲農家喜麥秋

夾斤秧鉞刺水青

御舟行處懌求寧
試看滯穽兼遺秉
紅勃天庾俎豆馨

百靈拱衛

帝車前六馭親臨
泰岱先萬姓歡聲
騰薄海千年盛事
洽敷天

桃李叢中築

御隄鸞旂鳳繖拂雲齊
不知

聖武安邊徼會到天
山瀚海西

萬譯共球王會圖黃
唇紫舌震

訐謨不須干羽歸文
德只此還當勝有虞

憂樂常通億兆心
青雲紅日曉光臨
下方快覩

時巡典直自成周
便到

今

賜絹寧期復

賜醅百年壽域與春
臺抱孫鼓腹衡門下
恩自九重天上來

松柏幽香禹廟陰
特加禋祀及春深
八年四載隨刊力
總是憂勤天下心

岳視三公瀆視侯

聖朝統馭在懷柔
高深協應羣靈衛
甘雨祥風逐豫遊

雲中屢見下金雞
時泰芒銷貫索低
自是春風盜宇宙
園扉芳草綠萋萋

西子湖波宛轉通
太平景物羨春融
晚煙橫幃玻璃綠
曉日開奩靺鞨紅

生成兩大感無私

聖主當陽健順宜
雲布海藏皆惠澤
萬年景運卜

從茲

恭

進

聖主春日南巡迴
文七言律詩二首

新恩特慰望
喁喁澤沛勤
宣詔課農春
甸遠環青輦
鳳曉煙輕繞
翠旗龍塵飛
恰映花邊路
日出初高天
外峰麟趾仁
聲騰叟稚巡
遊屢見喜年豐

仙羣列岸遠
飄香畦鳳簫
韶雲樂張綿
邨柳深初蔭
綠鏡澄河廣
不流黃天南
麗日紅輪曉
斗北高星紫
極光年卜萬
今千卜世聖
時清代盛虞唐

賦得一朶紅雲捧玉皇

以下三首陳滄洲夫子試院作

彤闕頰霞瑞彩飛九重閭闔射光輝南天麗日躔
黃道北斗群星翼紫微但見凝旒還執玉應知盱
食與宵衣泰階平正文昌耀風動虞琴不待揮

賦得朝朝染翰侍君王

玉皇香案吏金闕掌書仙啖唾星辰上光輝日月
邊賦成驚綺縮字就愛珠員搦筦馳天馬揮豪渴
蕊困龍文堪獨舉蟲臂忍空鐫自入臯夔列常依
堯舜前一人看出震五位仰承乾鵠峙通明殿鶴
趨經史筵簪裾真奕奕丰度益翩翩何幸康莊坦

還同騏驥先百花纏繡勒七寶映珊瑚敢負空羣
目應夸中選錢音期諧律呂采必絢丹鉛鳳輦剛
臨陛螭陰已過輒沉酣因御釀照耀藉宮蓮袖底
芝房頌胸中寶鼎篇靈河方鼓枻宿海早探泉直
進三千奏橫披九萬箋霞開赤城麗錦濯蜀江鮮
帽帶蓬池月衣霑禁苑煙風輕紅杏豔露重碧莢
妍聲價南金貴文章北斗懸蒼生待霖雨四海賴
仔肩欲報清時遇規撫在昔賢

賦得陰陰夏木嘒黃鸝

游絲落絮青春暮燕子泥香殘紅雨棟花零亂紫

雪堆二十四番風已住芳叢好鳥金縷衣交交上
枝復下枝上枝下枝何覓淺喚深歌多折轉欲
轉不轉吭愈嬌王子舌寒笙未調已斷餘音又重
續秦娥夜鎖雙蛾綠翡翠樓深碧玉欄銀箏手弄
羞成曲翩躚午日追相友縲車晝嬾驚閨婦願爲
布穀催耕人不學鷓鴣白門柳鷓鴣愁好春鶯啼
農事勤一轉秧鉞青剡水再轉麥浪成黃雲好音
肯爲春光誤穠莢豔李倡家樹薔薇無力豈蕊奢
游蠶戲蝶堪爲家何如葉底聲最巧煙梭霧織矜
縹緲飛入千門萬戶間天澹星疎宮漏曉

題丹霞山畫冊二十四首

劉損齊筆

夢覺關

身是夢中身覺是夢中覺夢覺豈是真不似南柯
開

錦水灘

錦水環錦石隨石爲寬窄一櫓下斜陽劃破千餘
尺

園寮

玉禾一萬頃莢花三千樹明月照不全清風自來
去

別峰

一峯遮一峯別有翠千重他日來酣睡峯頭幾樹松

一憩亭

山空慮亦空久定廼生慧大睡三千年視此只一憩

傑閣晨鐘

四山圍空翠松聲與水聲有鐘無可覺自此不須鳴

紫玉臺

晨趨玉皇闕暮宿金僊家白驢方苦飢紫璫已生芽

竹坡煙雨

饒僧嚼不盡斧斤赦此山分明衆仙妾乘霧鬪青鸞

雙鏡夫容

一雙夫容鏡玉女來照影若作塵世觀羞煞胭脂井

御風亭

佳哉亭下風冷然出虛竇披襟一當之誰爲列禦

寇

海嬴晚秀

茲峰名海嬴高人為其月世故苦煎熬長向此焉縮

龍王堂

龍王嗜聽經每與山僧伍半夜瀑布聲龍王來行

雨

水簾岩

星河千尺泉松江一疋布元雲不可染乾坤完太素

虹橋壘翠

雲濃知是山山淡知是雲山故以雲合雲更藉山分

片鱗秋月

風涼露亦涼一鏡萬山頂高人方熟睡嫦娥喚不醒

半岩

半岩削青天垂空路蜿蜒上上非仙人能當幾回

喘

洪岩

樵路入雲細山竹經雨長自非麋鹿羣足音誰復響

龍爪岩

龍爪岩上竹風起發清音斲成千萬笛還學老龍吟

一線天

寒蛙自樂井熱魚空泣釜眼高身亦高去天一尺五

霧隱崖

玉女五銖衣仙翁十里霧此中有元豹求之無定

處

黃沙溪

清淺黃沙溪曲折黃沙斤切莫種桃花容易流紅瓣

桐子岩漁隱

種此百尺桐長畱綵鳳羣漁竿一生事不是待周文

七如來峰

一峯一如來正背相回互作者有七人想當遯緇素

蝙蝠岩

蝙蝠岩前石青蒼復峭拔夜深風露涼凌空勢欲活

又大書冊尾

百丈丹霞手可攀精靈一夜泣空山斷開頑錮真多事何況圖形落世間

浦口晚眺

灣環石斥似曾經悵望還登波上亭雨驟飛來半江黑風徐捲去一天青糴爭勝地家安在燕掠雕梁夢易醒迂濶方深千古慨晚鐘又送過煙汀

闡中 和程友韻

繡手曾誇薛夜來金鍼欲下更裴回秋風健翻誰當舉明月空船幾度開湘瑟不憐錢起夢檀琶應怨朝川才 君王新較長楊賦未必相如在草萊 和王必齋題畫馬 一樣鹽車九坂塵那教汗血不湮淪峻嶒瘦影西風裏泣下燕臺買骨人

題西施畫筵

苧蘿一步沼吳宮枉博黃金鑄上功爭似東家村裏住野花插鬢老春風

題馮某指畫蘭

幽姿正正復斜斜
指下春風紙上誇
切莫逢人便
圖贈如今不貴者
般花

再贈馮生

郭璞江淹拜下風
毛生灑泣管城空
勸君收拾閒
書畫畱取禪機一
豎中

張顛枉自浣頭顱
筋骨爭看指法殊
幾次欲投投
不得紫羅袍袖架
珊瑚

題樹南上人貼梅扇

春光真逐指尖彈
滿樹東風紅淚乾
還仗吾師宣

急懺不教豔鬼冷冰紉

江浦甘令遷官邑
人遮道泣餞策蹇過之有

感

巧於愛衆拙謀生
笑爾居官徹底清
十五年中黃
蘖味甘棠換得一
虛名

大笑

大笑迂儒太着魔
百凡甘苦要經過
臨文每恨知
書淺入世翻嫌識
字多放句曾如李
白未奇窮無
奈范丹何春花秋
月都堪賞忍負年
光一擲梭

王禾山人集卷三終



